

AGENCIJA ZA SIGURNOST HRANE BOSNE I HERCEGOVINE

Na osnovu člana 41. stav (2) Zakona o hrani ("Službeni glasnik BiH", broj 50/04) i člana 61. Zakona o upravi ("Službeni glasnik BiH", br. 32/02 i 102/09), direktor Agencije za sigurnost hrane Bosne i Hercegovine donosi

NAREDBU

O ZABRANI UPOTREBE 2,2-BIS (4-HIDROKSIFENIL) PROPANA, OPĆENITO POZNATOG KAO BISFENOL A (BPA), U PROIZVODNJI PLASTIČNIH FLAŠICA ZA HRANJENJE DOJENČADI, STAVLJANJA NA TRŽIŠTE I UVOZA U BOSNU I HERCEGOVINU PLASTIČNIH MATERIJALA I PREDMETA NAMIJENJENIH DA DOĐU U KONTAKT SA HRANOM KOJI NISU U SKLADU SA ODREDBAMA OVE NAREDBE

I.

Zabranjuje se korišćenje 2,2-Bis (4-hidroksifenil) propana, poznatog kao Bisfenol A (BPA) u proizvodnji polikarbonatnih flašica za hranjenje dojenčadi.

II.

Do donošenja posebnog propisa o formulama za dojenčad i formulama nakon dojenja pojam "dojenčad" u smislu ove Naredbe ima sljedeće značenje:

"dojenčad" su djeca u dobi do 12 mjeseci starosti.

III.

Privremeno se zabranjuje proizvodnja, stavljanje na tržište i uvoz u Bosnu i Hercegovinu, plastičnih materijala i predmeta namijenjenih da dođu u kontakt sa hranom koji nisu u skladu sa odredbama ove Naredbe.

IV.

Određuju se mjere povlačenja sa tržišta Bosne i Hercegovine i neškodljivog uništavanja plastičnih materijala i predmeta namijenjenih za kontakt sa hranom koji nisu u skladu sa odredbama ove Naredbe.

V.

Nadležni inspekcijски organi entiteta i Brčko Distrikta BiH dužni su subjektu u poslovanju sa hranom kod koga se tokom sprovođenja mjera propisanih ovom Naredbom ustanovi neusklađenost naložiti mjere u skladu sa zakonom.

VI.

Sve troškove nastale primjenom ove Naredbe snose subjekti u poslovanju sa hranom.

VII.

Ova Naredba stupa na snagu danom donošenja, primjenjuje se od 1. juna 2011. godine, a objavit će se u "Službenom glasniku BiH".

VIII.

Agencija za sigurnost hrane Bosne i Hercegovine, u skladu sa svojim nadležnostima, nastavit će pratiti nova naučna saznanja o već zapaženim toksikološkim efektima 2,2-Bis (4-hidroksifenil) propana (BPA), a posebno po pitanju biohemijskih promjena na mozgu, imuno-modulatornih efekata i veće podložnosti nastajanju tumora dojke.

IX.

Odredbe ove Naredbe ostaju na snazi do stavljanja van snage istih.

Broj 01-1-02-2-970/11
25. maja 2011. godine
Mostar

Direktor
Doc. dr. sci. **Sejad Mačkić**, s. r.